

Batasun Kristaudemokratak Helmut Kohl kantzilerraren ondorengo aroa hasi du. CDU alderdian garai berri bat zabaldu du Wolfgang Schaeublek, alderdiko lehendakari aukeratu berriak —ziurrenik, bera izango da Bundestagean taldeko buzuzagi—. Schaeublek hitz gordinak erabili ditu Gerhard Schroeder kantziler berria kritikatzeko, eta egingo duen politika gaitzesteko. Schaeubleren hitzak hain gogorrak izan dira, ezen CDU bertako hainbatek ere gehiegizkotzat jo baititu. Schroeder joan den irailaren 27an izendatu zuten kantziler eta jakina, CDUkoek ez dute gogoko Bundestagera iritsi den haize berria.

Testuak: Ingo Niebel / Kolonia

Kohlen ondorengo aroa CDU



Wolfgang Schaeuble, ezkerrean, eta Helmut Kohl eskuinean, hilaren 7an, CDUK Schaeuble alderdiko lehendakari aukeratu zuenean.
MICHAEL JUNG
EPA

Azken 16 urteetako ildo hau-tsi zuen Gerhard Schroederren SPD Alderdi Sozialdemokratak joan den irailaren 27an. Hauteskundeak irabazi zituen eta Helmut Kohl kantzilerra kargutik kanporatu zuen 16 urtez agintean egon ondoren.

Aldaketa bortitza ez da batere erraza izan Wolfgang Schaeuble-entzat, are gutxiago CDU-entzat. Zailtasunak agerian geratu ziren Schroederrek joan den asteartean egin zuen hitzaldiaren ondorengo eztabaidan: Gobernu-ko aukietan aurpegi berriak ikus zitezkeen; zaharrak, Kohlena adibidez, aretoaren beste aldean zeuden. Schaeuble deseroso zegoela argi zegoen, batik bat, egin zuen hitzaldia entzunda. Exekutibo gorri-berdearen programa politikoa zorrotz kritikatu zuen, eta, ondoren, Oskar Lafontaine Hazienda ministroari zuzendu zitzaion «ministro-presidente» lehengoko titulua erabiliz. Lafontaine Sarre landerreko ministro-lehendakaria zen, baina kargua Rainer Klimmt jarraitzaile leialaren esku utzi zuen Schroederren gobernuan sartzeko.

Schaeubleren ardura da orain kristaudemokraten politika berrirako oinarriak finkatzea. Lehenago, ordea, txukundu egin behar dira alderdiko baseak. CDUKo ordezkariak alderdiko lehendakari aukeratu zuten Schaeuble hilaren 7an Bonnen egin zuten kongresuan, eta idazkari nagusi Angel Merkel.

Merkel Ingurugiro ministro izan zen Kohlen gobernuan eta Mecklenburgo-Antepomerania landerreko eskualde batzordeko lehendakari da. Merkelen zeregina izango da Schaeublek agindutakoa abian jartzea.

Schaeublek Ekialdeko Alemaniako emakume hori nahi zuen alboan, hain zuzen, horko landerretan jaso zituelako CDUK joan den irailaren 27an emaitza kaxkarrenak. Baina ez hori bakarrik. Schaeublek bere aginduetara nahi zuen lehendakaritza harriskuan jarriko ez dion norbait.

Merkel izan ezean, Volker Ruehe Defentsa ministro ohia litzateke CDUKo idazkari nagusia. Orain urte batzuk Kohlen esku zegoen kantzileritza eskuratzeko pretendientea zen. Kohlek, ordea, Defentsa ministroaren aukian eseri zuen CDUKo beste buruzagi batzuekin kantzileritza hartzeko azpilanean ari zela jakin zuenean.

Irailako hauteskundeak porrotaren ondoren, alderdiko idazkari nagusi izan nahi zuen Ruehek edo, bestela, Bundestageko taldearen buruzagitza. Kohlek berriro eskua sartu zuen eta

Rueheren nahia alboratu. «Schaeuble izango da CDUKo lehendakari eta Bundestageko taldeko buruzagia», adierazi zuen Kohlek hauteskundeak hurrengo egunean. Minutu batzuk lehenago CDUK esan zuen bi aste epea hartuko zuela horri buruz zerbait erabakitzeke.

Ruehe Schleswig-Holsteineko eskualde hauteskundeetara aurkeztuko dela uste da. Lander horretako boterea SPDren esku dago azken 11 urteotan.

CDUK ez du beste irtenbiderik, botererako itzulera estatu federatuetatik prestatzea baino. Saxonia, Baden-Wurttemberg eta, batik bat, Bavariako «gotorle-

CDUK ez du beste
irtenbiderik, botererako
itzulera estatu
federatuetatik
prestatzea baino.

kuak» izango ditu abiapuntu. München arrakasta handiarekin ari da agintzen Bavariako kide Edmund Stoiberren CSU Batasun Kritausoziala.

Ministro-lehendakariak jada iragarri du aurre egingo diola Bonnekoko Gobernu gorri-berdeak

aginduko duen guztiari. Epaitegi Konstituzionalera jo nahi du Hiritartasun Legea gerarazteko. SPDk aurreko Gobernuaren lana geraraztea lortu zuen Legebiltzarrean; izan ere, horko Bundesrat-ean, landerrak ordezkatzan dituen bigarren ganberan, boto gehiengoa zuen.

CDU, une egokiaren zain

Gauza bera egin nahi du CDUK, baina lehenago eskualde hauteskundeak irabazi beharko ditu. Eta, noski, eskualde batzordeek «barne garbiketa» amaitua beharko dute. Lan nekeza izango da. Norbert Bluemek, Kohlen Lan ministro ohiak, ez du CDUren

Ipar Westfalia-Renaniako lehendakaritza utzi nahi. Jarrera horrek ika-mika sortu du CDU barneko batzorde garrantzitsue-
nean.

Gainera, hauteskundeetako porrot orok eztabaida irekiko luke Schaeublen sendotasunaren gainean. Oraingoz seguru dago, baina ez erabat. Schaeublek trantsizio epea hasi du. Politika kristaudemokrata berri bat lantzeak denbora eskatzen du, koalizio gorri-berdeak hasi besterik ez baitu egin bere aroa. Gero, beharrezkoa izango da une egokia iritsi arte zain egotea botere gunera heltzeko. SPDk 16 urtez itxoin du. X

Egunkaria

BANATZAILEAK
behar dira IRUÑEALDEAN

LAN BALDINTZAK:

- Egunean lau ordu.
- Goizeko 4etatik 8etara.
- Astean sei egun. Asteartetik igandera.

Ezinbestekoa da autoa edo motorra izatea.

943 300 222 telefonora deitu.

BAI,
HARPIDETZA
SAILA?

TELEFONOAK: 943 30 02 22

Egunkaria 902 30 02 23

FAXA: 943 30 07 07

e-mail: harpidetza@egunkaria.jalgi.com

web gunea: www.jalgi.com/Egunkaria